

Na osnovu člana 51. Zakona o izvršenju budžeta Bosansko-podrinjskog kantona Goražde za 2022. godinu ("Službene novine Bosansko-podrinjskog kantona Goražde", broj: 12/21), Zakona o raseljenim osobama i povratnicima u F BiH i izbjeglicama iz BiH ("Službene novine F BiH", broj:15/5), a u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614200 (JAM 001) Tekući transferi pojedincima - Izdaci za raseljena lica za 2022. godinu, broj: 08-11-1628-2/22 od 06.04.2022. godine na koji je saglasnost dala Vlada Odlukom, broj: 03-11-544/22 od 31.03.2022. godine, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde **objavljuje**:

JAVNI POZIV

za ostvarivanje pomoći iz Programa podrške održivom povratku

1. Predmet javnog poziva

Predmet Javnog poziva je dodjela finansijske pomoći povratnicima u cilju obezbjeđenja uslova za održivost povratka i poboljšanje kvaliteta življenja u mjestu povratka za Grad Goražde, općine Foča u F BiH, Pale u F BiH, i susjedne općine iz Entiteta RS-a.

2. Finansijska sredstva

Sredstva predviđena za raspodjelu za fizička lica po Javnom pozivu planirana su u Budžetu Ministarstva za socijalnu politiku, zdravstvo, raseljena lica i izbjeglice Bosansko - podrinjskog kantona Goražde, na ekonomskom kodu 614200 (JAM 001) – tekući transferi pojedincima – Izdaci za raseljena lica za 2022. godinu u iznosu od 70.000 KM.

3. Pravo učešća na javnom pozivu

Pravo učešća po ovom Javnom pozivu imaju:
- Fizička lica koja imaju status raseljenih lica i povratnika.

Zahjevom za traženje pomoći maksimalni iznos ne može prelaziti 3.000 KM.

Svi zahjevi - prijave koji budu u većem iznosu od utvrđenog maksimalnog iznosa će biti odbijeni u cijelosti.

4. Kriteriji za izbor korisnika

Sredstva u vidu finansiranja/sufinansiranja zahtjeva dodjeljivat će se za sljedeće namjene:

- a) Nabavka opreme u poljoprivrednoj proizvodnji;
- b) Nabavka mehanizacije;
- b) Nabavka plastenika;
- c) Obnova stajskih i pomoćnih objekata;
- d) Nabavka krupne i sitne stoke;
- e) Oporavak putne i komunalne infrastrukture u povratničkim naseljima.

- Opći kriteriji za fizička lica su obavezni i eliminatorni i prijava treba da sadrži slijedeće dokumente:

a) Obrazac prijave na javni poziv

čitko popunjenu i potpisanu prijavu na Javni poziv, na obrascu koji je dostupan na web stranici vlade BPK Goražde www.bpkg.gov.ba ili se može preuzeti lično u prostorijama Ministarstva za socijalnu politiku, zdravstvo, raseljena lica i izbjeglice BPK Goražde.

b) Uvjerenje/potvrdu o ostvarenom povratku/priznatom statusu raseljenog lica

Da je povratnik u prijeratno mjesto prebivališta na području Federacije BiH ili povratnik iz Federacije BiH u prijeratno mjesto prebivališta na području Republike Srpske i Brčko Distrikta BiH, korisnik dokazuje Potvrdom/Uvjerenjem izdatom od nadležnog općinskog organa u mjestu povratka, odnosno ukoliko korisnik ima priznat status raseljenog lica u FBiH dokazuje Potvrdom/Uvjerenjem izdatom od nadležnog općinskog organa u kojem ima priznat status raseljenog lica,

c) CIPS prijava o prebivalištu za podnosioca prijave

Izdana u općini/opštini prebivališta od nadležnog organa (MUP-a), ne starija od tri mjeseca od dana podnošenja prijave po ovom javnom pozivu,

d) Posjedovni list ili ZK (zemljišno knjižni) izvadak – koji je izdat na podnosioca prijave na javni poziv ili člana uže porodice, kao i drugi važeći dokument kojim se dokazuje pravo na raspolaganja adekvatnim zemljištem (npr.Ugovor). Posjedovni list ili ZK izvadak se dostavljaju original ili ovjerena kopija.

e) Kopija predračuna koji odgovara apliciranom zahtjevu.

- Posebni kriteriji na osnovu kojih će se bodovati prijava

a) Izjava podnosioca zahtjeva o ranije korištenim/nekorištenim finansijskim sredstvima za održivi povratak. U izjavi podnosilac prijave obavezno izjavljuje da li je on ili neko od njegovih članova domaćinstva bio ili nije bio korisnik finansijskih sredstava za održiv povratak od strane Ministarstva za socijalnu politiku, zdravstvo, raseljena lica i izbjeglice BPK Goražde . Izjava se dostavlja ovjerena od strane nadležnog organa općine i dostavlja se u originalu.

b) Kućna lista - Broj i starosna dob članova uže porodice podnosioca sa kojima živi u zajedničkom domaćinstvu sa CIPS prijavama za punoljetne članove domaćinstva, rodnim listovima i dokazima o pohađanju nastave za djecu školskog uzrasta. Kućna lista treba biti izdata od nadležne općinske službe ne starije od tri mjeseca od dana podnošenja prijave po ovom javnom pozivu.

c) Dokaz o radnom statusu - Da podnosilac zahtjeva je/nije u radnom odnosu dokazuje dostavljanjem Potvrde o radnom odnosu ili uvjerenje od Zavoda za zapošljavanje da je nezaposleno lice.

d) Pripadnosti ranjivim kategorijama - Podnosilac prijave uz prijavu podnosi Uvjerenja/Potvrde, kojim dokazuje da on ili drugo lice sa prijavljene kućne liste pripada određenoj ranjivoj kategoriji (porodici šehida i poginulog borca, osobe sa invaliditetom, demobilisani nezaposleni borac, porodice nestale osobe, bivši logoraš, civilna žrtva rata i druge socijalne kategorije).

Dokumenti koji se prilažu uz prijavu moraju biti original ili ovjerena kopija ne starija od 3 mjeseca.

5. Procedure odabira korisnika sredstava

Prijave - zahtjeve za sredstvima dostavljeni po raspisanom Javnom pozivu od strane korisnika na odobravanje za finansiranje/sufinansiranje iz Budžeta Bosansko-podrinjskog kantona sa ekonomskog koda 614200 (JAM 001) – Tekući transferi pojedincima – Izdaci za raseljena lica će biti vrednovani na osnovu Procedura za odabir korisnika (donesenih od strane Ministra za socijalnu politiku, zdravstvo, raseljena lica i

izbjeglice) a u skladu sa kriterijima definisanim Programom utroška sredstava sa ekonomskog koda 614200 (JAM 001) Tekući transferi pojedincima – Izdaci za raseljena lica za 2022. godinu i raspisanim Javnim pozivom, od strane Komisije za odabir korisnika, koju će svojim Rješenjem imenovati Ministar.

Nakon utroška odobrenih sredstava po Programu podrške održivom povratku korisnik sredstava je obavezan da Ministarstvu za socijalnu politiku, zdravstvo, raseljena lica i izbjeglice BPK Goražde dostavi izvještaj o provedenim aktivnostima i namjenskom utrošku sredstava.

Korisnik koji je koristio sredstva po Javnom pozivu u 2021.godini, nema pravo aplicirati na ovaj Javni poziv i njegova prijava se neće razmatrati, kao i prijava podnosioca zahtjeva koji je u predhodnom periodu koristio sredstva od Ministarstva za socijalnu politiku, zdravstvo, raseljena lica i izbjeglice BPK Goražde, a nije dostavio Izvještaj o namjenskom utrošku sredstva.

6. Rok za podnošenje zahtjeva i način objave

Rok za podnošenje zahtjeva- prijava po ovom Javnom pozivu je 15 dana od dana objave na Oglasnoj ploči Kantona.

Zahtjev – prijavni obrazac može se preuzeti na službenoj stranici Vlade www.bpkg.gov.ba ili lično u prostorijama Ministarstva za socijalnu politiku, zdravstvo, raseljena lica i izbjeglice BPK Goražde, je obavezujući i istim se potvrđuje ispunjavanje kriterija, kao i potrebna dokumentacija za apliciranje na Javni poziv. Aplikanti zahtjeve-prijave podnose u zatvorenoj koverti na protokol Bosansko-podrinjskog kantona Goražde ili putem pošte na adresu:

**Bosansko-podrinjski kanton Goražde
Ministarstvo za socijalnu politiku, zdravstvo, raseljena lica i izbjeglice
ul. 1. Slavne višegradske brigade 2a
73000 Goražde**

**Sa naznakom “Prijava na Javni poziv za ostvarivanje pomoći
iz Programa podrške održivom povratku. Ne otvaraj”**

Nepotpune i neblagovremene prijave neće se uzeti u razmatranje.

Javni poziv objavljuje se na zvaničnoj internet stranici Vlade Bosansko-podrinjskog kantona Goražde i na Oglasnoj ploči Bosansko-podrinjskog kantona Goražde.

Ministarstvo zadržava pravo kontrole namjenskog utroška dodjeljenih sredstava.

**Ministarstvo za socijalnu politiku, zdravstvo,
raseljena lica i izbjeglice BPK Goražde**

Broj: 08-11- 2021-1/22
Goražde, 12. 05.2022. godine

